

Faruk Selmanović
Zastupnik u Skupštini Kantona Sarajevo

Bosna i Hercegovina
Federacija Bosne i Hercegovine
Kanton Sarajevo
Skupština Kantona Sarajevo
n/r Kolegija Skupštine Kantona Sarajevo

**Uputiti: Ministarstvo komunalne privrede, infrastrukture, prostornog uređenja, građenja i zaštite
okoliša Kantona Sarajevo i KJKP Rad d.o.o. Sarajevo**

PREDMET: INICIJATIVA

Poštovani,

Na osnovu člana 213. Poslovnika Skupštine Kantona Sarajevo, upućujem inicijativu **zaduži Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo i KJKP Rad d.o.o. Sarajevo da izvrše reorganizaciju rasporeda odvoza otpada** i pražnjenja kontejnera na području Kantona Sarajevo, **na način da se ove aktivnosti ne obavljaju u periodima najvećih saobraćajnih gužvi**, i to u terminima od 07:00 do 09:00 sati, kao ni od 15:00 do 18:00 sati.

Obrazloženje

Saobraćajne gužve u Kantonu Sarajevo predstavljaju jedan od najvećih svakodnevnih problema građana, posebno u jutarnjim i popodnevним špicima, u periodima od 07:00 do 09:00 sati i od 15:00 do 18:00 sati. Upravo u tim terminima, prema stanju na terenu, vrlo često se obavlja odvoz otpada i pražnjenje kontejnera u frekventnim gradskim ulicama.

Specijalna vozila za odvoz otpada, zbog svojih gabarita i načina rada, nerijetko blokiraju kolovoz, ulaze i izlaze iz ulica, kao i raskrsnice, čime se dodatno usporava ili u potpunosti zaustavlja saobraćaj. Ovakva praksa dovodi do stvaranja dodatnih zastoja, saobraćajnih kolapsa, povećanog zagađenja zraka i opravdanog nezadovoljstva građana.

Cijeneći da se odvoz otpada može organizovati u ranim jutarnjim, kasnovečernjim ili drugim terminima izvan saobraćajnih špiceva, smatram da je neophodno izvršiti funkcionalnu i operativnu reorganizaciju rasporeda, bez ugrožavanja komunalnih usluga, ali uz značajno rasterećenje saobraćaja.

Ovom inicijativom se traži sistemsko rješenje, koje podrazumijeva prilagođavanje dinamike rada KJKP Rad saobraćajnim tokovima u Kantonu Sarajevo, u interesu nesmetanog odvijanja saobraćaja, smanjenja zastoja i unapređenja kvaliteta života građana.

S poštovanjem,

Faruk Selmanović, zastupnik u Skupštini Kantona Sarajevo